

四庫全書

子部

欽定四庫全書

子部

記纂淵海卷七十二

詳校官中書

臣余日煥

主事

臣祁韻士覆勘

總校官降調編修

臣倉聖脉

校對官編修

臣于鼎

謄錄監生

臣湯師錫

欽定四庫全書

記纂淵海卷七十二

宋 潘自牧 撰

人事部

波潤

經澤潤生民四夷左社罔不咸賴書膏潤天下詩芄芄

序

黍苗陰雨膏之詩

經

子松柏茂而陰成於林塗之人蔭矣子華子一本人膏

字下有則字

澤下於民子孟河潤千里澤及三族莊玉在山而木潤淵

藏珠而產不枯

荀子

澤及百里而潤草木者唯江河也

揚子

史葛藟猶能庇其本根

左傳

若江海之浸膏澤之潤

左傳序

晉公子重耳曰其波及晉國者君之餘也

左傳

潤於千里

公管仲光燭隣國

史記魯仲連傳

一人有子三人緩帶

穀梁文十八

沐浴膏澤

史記樂書

取尊官厚祿以為宗族交遊光寵

西漢司馬

遷天地之間被潤澤而大豐美

西漢董仲舒策

河潤千里京師

蒙福

後漢郭叔傳

張讓父死歸葬潁川雖一郡畢至而名士

無往者讓甚耻之陳寔獨弔焉及誅黨人讓以寔故多

所全宥

通鑑漢靈紀  
五入先見

南燕汝水竭河凍皆合而澠水不

冰李宣曰澠水無冰良由逼帶京城近日月也

通鑑晉  
安紀

殘膏賸馥沾丐後人多矣

唐書杜  
甫傳

集石韞玉而山輝水懷珠而川媚

晉陸士  
衡賦

桑梓有餘暉

王仲宣  
從軍詩

濡沫窮鱗

柳文

餘波德照隣

老杜  
詩

筆端膚寸澤及

九垓

劉賓  
客

百川承少海之潤

劉賓  
客

垂蔭萬畝懸映九霄

駱賓  
王

光榮照四隣

白侍  
郎

風煙借顏色雨露助恩光

白樂  
天

一士登甲科九族光彩新

王建  
詩

接楚地之餘波仰晉國

之膏雨

李義山文

草木蒙雨露之澤皆被鮮輝煙霞照日月

之光盡成綵繪

李義山文

鄰斗極之光輝適天漢之波潤

唐文

粹

一人在朝百人緩帶一人貴而親友皆榮之也

唐文

本朝夫玉韞石而珠藏淵其光氣常見於外也故山輝

如白虹水變而五色

歐文

公之在內自泉流瀕其在四方

自葉流根

金錫圭璧之所在瓦石草木被其光澤

餘膏所燭常分無盡之光蒙霧而行坐獲不知之潤

並東

坡桃李終不言朝露借恩光

山谷

# 僥倖

經小人行險以僥倖

記中庸

固之生也幸而免語

子千金之珠在九重之淵驪龍領下子能得者必遭其

睡也

列子

料虎頭編虎鬚幾不免虎口哉

莊子

宋王而寤子

為齏粉

莊天下

若逐野獸而皆有分肉之心

太公武韜

以百誕

成一信 佐祭者得嘗

並淮南子

魏田父得玉徑尺以告鄰

人隣人詐之曰此怪石也蓄之非利其家田父猶豫以

歸置於廡下其玉明照一室大怪遽棄之於野隣人取

之以獻魏王魏王召玉工相之曰此無價寶魏王賜獻

玉者千金長食上大夫祿

尹文子

史孔子曰賜不幸言而中是使賜多言也

左定十年叔孫

通曰我幾不脫於虎口

史本傳

郭解適有天幸窘急常得

脫若遇赦

史游俠傳

龐涓曰遂成監子之名

史記

楚葉公子高

曰以險微倖者其求無厭

左哀十六

無德而富貴謂之不幸

漢書據微乘邪以求一日之富貴

班固叙傳

為惡未始不及於

凶幸而免者亦時有焉

唐武后贊

唐昌儀為洛陽令請囑無



不從嘗早朝有選人姓薛以金五十兩并狀邀其馬而賂之昌儀受金至朝堂以狀授天官侍郎張錫數日錫失其狀以問昌儀昌儀罵曰不了事人我亦不記但姓

薛者即與之錫懼僥倖退索在銓姓薛者六十餘人悉

留注官

通鑑唐武后

竈下養中郎將爛羊胃騎都尉爛羊頭

關內侯

東漢劉玄

宋張瓌以百口一擲出手得盧

通鑑宋紀

傳記桓溫伐蜀敗於笮橋衆懼欲鳴退鼓吏誤鳴進鼓

於是攻之李勢大潰乃以衆降

孔氏雜記

集出萬有一危之塗以為娛

司馬長卿  
諫獵書

本朝庶幾微倖不種而獲 偶然連六鰲便為此手妙  
治病不知其所當用之藥而百藥皆試以僥倖於一物  
之中譬如匠慶之山而得成簏豈可常也哉

東坡

觸類

經引而伸之觸類而長之天下之能事畢矣

易

刑于寡

妻至於兄弟以御於家邦

詩

愛親者不敢惡於人敬親

者不敢慢於人 資於事父以事母而愛同資於事父

以事君而敬同

孝經

貴老為其近於親也

記

子貢曰回也

聞一以知十賜也聞一以知二

論語

子老吾老以及人之老幼吾幼以及人之幼人能充

無欲害人之心而仁不可勝用也人能充無穿窬之心

而義不可勝用也人能充無受爾汝之實無所往而不

為義也推恩足以保四海不推恩無以保妻子古之

人所以大過人者無他焉善推其所為而已矣

孟子

通於

一而萬事畢

莊子

見瓶中之冰而知天下之寒

淮南子

見

歟木浮而知為舟見飛蓬轉而知為車見鳥跡而知著

書以類取之

淮南子

史求忠臣必於孝子之門

通鑑漢武帝

推微達著尋端究緒

履霜知冰踐露知暑

蔡邕傳釋詁

見瓶水凍而知天下之寒

嘗肉一臠而識饌中之味物有其類可推而釋

北史崔浩傳

傳記覩一字於句中反三隅於字外

史通

集求忠臣於孝子求良婦於罵已食子盡節也推其忍

可以疑心放麋違命也推其仁可以屬國

劉賓客互見因小見大

本朝放麇違命也而推其仁則可以託國食子狗君也  
而推其不仁則至於殺君

樂城集

### 持久

經聖人久於其道而天下化成易誰夙知而暮成詩悠久

所以成物也

中庸

子曰善人為邦百年亦可以勝殘去殺

矣子曰苟有用我者期月而已可也三年有成子曰

無欲速

欲速則不達

論語

子大器晚成

老子

美成在久

真積力久

荀子

史天地之功不可倉卒艱難之業當累日也

東漢朱浮論

大

才當晚成

東漢馬援傳

非若京房劉邵之法校其米鹽之課

責其旦夕之効也

通鑑魏明紀

慕容農謂慕容垂曰取果於

未熟與自落不過旬日之間然其難易美惡相去遠矣

通鑑晉紀互見間不容髮

盧懷慎曰子產賢者也為政累年而後成

唐書崔周度曰魯詩書之國自伯禽以來不能伯諸侯然

以禮義守之可以長世

通鑑周太祖

集嘉穀不夏熟大器當晚成 千將百煉其良可用和

璞三獻而其實乃真

歐陽唐

養材三十年方成棟梁安侍

郎

本朝東坡試中制科英宗使欲授知制誥相國韓公曰

蘇軾之才遠大之器也他日自當為天下用要在朝廷

培養之使天下莫不歸慕降伏皆欲朝廷進用然後取

而用之則人人無復異辭矣

李薦談記

忽遽

史相見日淺卒卒無須臾之間

西漢司馬遷傳

事薄遽

注薄迫也遽連

也西漢王彪之謂殷浩曰奈何無故忽忽先自猖蹶通鑑

晉穆紀

傳記勿州里所建旗所以趣民故遽稱忽忽說文世稱勿

勿不知所由據說文勿者州里之旗所以趣民事故忽

遽者稱為勿勿北齊顏氏家訓

躡等

子位卑而言高罪也孟子子位卑而圖大孔叢子

史猶未能操刀而使割也譬如田獵射御貫則能獲禽若



未嘗登車射御則敗績厭覆是懼何暇思獲

左傳

以匹夫

徒步之人而超九卿之位非所以重國家而尊社稷也

西漢朱

雲傳

集陵邁超越不拘資次

于令升  
晉總論

### 乘間

經心中斯須不和不樂而鄙詐之心入之矣外貌斯須

不莊不敬而慢易之心入之矣

禮記

史羣小窺見間隙緣飾文字巧言醜詆流言飛文譁於

民間

通鑑漢文紀

間隙一開則邪人動心

後漢互見嫌隙

百家衆氏

投間而作

後漢延篤傳

上初疎外宦官親任朝士而張涉以

儒學入侍薛邕以文雅登朝繼以賊敗宦官武將得以

藉口曰南牙文臣賊動至巨萬而謂我曹濁亂天下豈

非欺罔耶於是上心始疑不知所以倚仗矣

通鑑唐妖德宗紀

禽孽狐當晝則伏自如得夜乃為之祥

唐封倫贊

集白鶴未輕舉衆鳥爭浮沉

孟東野

本朝譬如深淵大澤龍亡而虎逝則變怪雜出舞魍魎

而號狐狸

東坡集

物必先腐也而後蟲生之人必先疑也

而後讒入之

東坡文

### 首亂

經無拳無勇職為亂階

誰生厲階至今為梗

詩

史晉國有命始禍者死

左定

秦失其政陳涉發迹諸侯

作難風起雲蒸天下之禍自涉發難

太史公自序

奮臂為天

下倡始

西漢張耳傳

楚首事

西漢陳勝傳

公孫弘曰主父偃本首

惡陛下不誅偃無以謝天下

通鑑漢武紀

戰國一百三十六

載劉元海為之禍首

元海自晉惠帝時稱漢見晉書

表章署用輒使首

名附下罔上奸以事君

東漢孔融傳

當為誅始

選內史表

吳楚唱

謀

選六代論

蒙蔽

附壅遏

子兩葉蔽目不見泰山兩豆塞耳不聞雷霆

鵬冠子

史上下相蒙

左傳二十四年

屏王之耳目使不聰明

左昭二十年

章

邨使長史欣請事咸陽留司馬門三日趙高不見

史記項羽

紀

郎中令趙高恃恩專恣以私怨誅殺人衆恐大臣入

朝奏事言之乃說二世曰天子所以貴者但以聲聞羣臣莫得見面故也且陛下富於春秋未必盡通諸事今不如深拱禁中與臣及侍中習法者侍事事來有以揆之如此則大臣不敢奏疑事李斯就獄乃從獄中

上書書上趙高使吏棄去不奏曰因安得上書高皆妄

為反辭以相傳會

通鑑  
秦紀

壅關不得聞

西漢中山  
靖王傳

壅於上

聞

西漢武  
帝紀

高門去省戶數十步求見出入二年未省欲

使海瀕仄陋自通遠矣

西漢鮑  
宣傳

虛美熏心實禍蔽塞

漢書

鄱陽王範密啟侯景謀反時上以邊事專委朱异動靜

皆關之异以為必無此理

通鑑梁高祖紀

楊義臣破降河北賊

數十萬上曰我初不聞賊頓如此義臣破降何多也虞

世基對曰小竊雖多未足為慮侍御史韋雲起劾奏世

基及裴蘊四方告變不即奏聞賊數實多裁減言少

通鑑

隋場帝紀

上欲廣求天下之士命通一藝以上皆詣京師李

林甫恐草野之士對策斥言其姦惡建言舉人多卑賤

愚瞶恐有佞言污濁聖聽乃令郡縣長官精加試練灼

然超絕者具名送省委尚書覆試上憂雨傷稼國忠  
取禾之善者獻之曰雨雖多不害稼也上以為然上  
過便橋老父郭從謹進言曰關門之外陛下皆不得而  
知九重嚴邃區區之心無路上達事不至此臣何由得  
覩陛下之面而訴之乎

通鑑唐  
玄宗紀

元載專權恐奏事者攻

訐其私乃請百官凡論事皆先白長官長官白宰相然  
後奏聞顏真卿上疏以為論事者先白宰相是自掩其  
耳目也太宗署司門式云其無門籍人有急奏者皆令

門司與伏家引奏無得關礙所以防壅閉也天寶以後

李林甫為相深疾言者道路以目上意不下逮下情不

上達蒙蔽喑鳴卒成幸蜀之禍陵夷至于今日其所從

來者漸矣

通鑑唐  
代宗紀

軒陞之間且未得諭宇宙之廣何由

自通

通鑑唐  
穆宗紀

鮮于仲通討南詔大敗士卒死者六萬人

仲通僅以身免楊國忠掩其敗狀乃叙其戰功李宓擊

南詔被擒全軍皆沒國忠隱其敗更以捷聞

舊唐書  
昧離

婁之目則天地四方之位不分充于野之耳則雷霆蒼



蠅之聲莫辨

房玄齡奏議

以百口百心之讒諂蔽兩耳兩目

之聰明

唐玄宗讚

有言朱泚為亂兵所立盧杞切齒曰朱泚

忠直羣臣莫及臣請以百口保其不反帝以為然泚自

將逼奉天

舊唐書

魏徵曰秦二世隱藏其身以信趙高天

下潛叛而不得聞梁武信朱异侯景向闕而不得聞隋

煬帝信虞世基賊徧天下而不得聞故曰君能兼聽則

姦人不壅蔽而下情通矣

新唐書本傳

裴度曰天顏不咫尺

此尚未能決千里單言可悟聖聽哉

唐書本傳

集蔽晦君之聰明兮虛惑誤又以欺 浮雲陳而蔽晦

兮使日月之無光

楚辭

間諜

子用間有五有因間有內間有反間有死間有生間

孫子

史昌他亡西周之東周盡輸西周之情西周大怒馮旦

曰臣能殺之君與金三十斤馮旦使人操金與書間遺

昌他曰事可成勉成之不可成亟亡事久且泄毋令身

死東周立殺昌他

戰國策

項王與范增急圍滎陽漢王患

之乃用陳平計間項王項王使者來為太牢具欲進之  
見使者佯驚愕曰吾以為亞父使者乃項王使者更持  
去以惡食食項王使者使者歸報項王項王乃疑范增  
與漢有私稍奪之權

史記項羽紀互入反鋒而用

漢王與陳平金四

萬斤以間踈楚君臣

史記漢高紀

秦穆公問內史廖曰由余

賢戎人寡人之害奈何廖曰戎王處辟匿未聞中國之  
聲君試遺其女樂為由余請以踈其間留而莫遣以失  
其期戎王怪之必疑由余君臣有隙乃可虜也穆公以

女樂二八遺戎王戎王受而悅之終年不還於是秦乃

歸由余由余數諫不聽穆公又數使間要由余遂去降

秦

史記  
秦紀

秦攻趙趙廉頗堅壁以待秦數挑戰趙兵不出

趙王數讓頗秦相使人行千金趙為反間曰秦之所惡

獨懼馬服君子趙括將耳廉頗易與且降矣趙王怒頗

不戰又聞反間之言因使趙括代廉頗括敗卒四十萬

人降武安君

史白  
起傳

魏公子無忌威振天下秦王患之行

金毀公子於魏王曰諸將徒聞魏公子不聞魏王公子

亦欲因此時定南面而王數使反間僞賀公子得立為

魏王未也魏王自聞其毀不能不信後果使人代公子

將

史本傳

燕惠王自為太子時嘗不樂於樂毅齊將田單

聞之乃縱反間於燕曰齊城不下者兩城耳然所以不

早拔者聞樂毅與燕新王有隙欲連兵且留齊南面而

王齎齎之所患惟恐他將之來惠王已疑樂毅得齊反

間乃使騎劫代將

史樂毅傳

趙李牧大破秦軍秦多與趙王

寵臣郭開金為反間言李牧欲反趙乃使顏聚代牧捕

斬之

史本傳

分謗

史韓獻子將斬人卻獻子馳將救之至則既斬之矣卻子使速以狗告其僕曰吾以分謗也

左成三年

宋城謳者曰

澤門之皙實興我役邑中之黔實慰我心子罕間之親執扑以行築者而扶其不免者乃止

左傳

分謗生民

宣十二年

韓厥曰事之不捷惡有所分與其專罪六人同之不猶

愈乎

左傳

毋令獨蒙惡聲

史記蘇秦傳贊見韓白

陳寔為功曹掾中

常侍侯覽託太守高倫用吏倫教署為文學掾寔知非  
其人懷檄請見曰此人不宜用而侯常侍不可違寔乞  
從外署倫從之鄉論怪其非舉倫後為人言曰吾前為  
侯常侍用吏陳君密持教還而於外白署比間議者以  
此少之咎由故人畏憚彊禦陳君可謂過則稱已者也

寔故自引愆聞者方歎息

東漢本傳互見事久論定

傳記忠臣令誹在己譽在上宋君奪民時以為臺而民  
非之無忠臣以掩蓋之也子罕執扑為司空民非子罕

而善其君齊桓公宮中七市女閭七百國人非之管仲  
為三歸之家以掩桓公之非自傷於民也春秋記臣弑  
君皆大臣之見譽者也大臣得譽非國家之美

戰國策

本朝妖尼為鬼所憑言事或驗士庶輻湊事之後以傳  
習妖教下獄詔差官按之得諸公書自韓曾之下皆有

之文潞公獨無上問其故公曰臣但不知耳知之亦當

有書時人美其分謗

溫公日錄

晏元獻公曰臣非不樂宴遊

者若有錢亦須往但無錢不能出耳

筆談



推惡

經季氏將伐顓臾冉有季路見於孔子曰季氏將有事  
於顓臾孔子曰求無乃爾是過與夫顓臾昔者先王以  
為東蒙主且在邦域之中矣是社稷之臣也何以伐為  
冉有曰夫子欲之吾二臣者皆不欲也

論語

子人死則曰非我也歲也是何異於刺人而殺之曰非  
我也兵也 孟子之平陸謂其大夫曰子之持戟之士  
一日而三失伍則去之否乎曰不待三然則子之失伍

也亦多矣凶年饑歲子之民老羸轉於溝壑壯者散而之四方者幾千人矣曰此非距心之所得為也

孟子子

史公孫敖深入匈奴迎李陵敖軍無功還因曰捕得生口言李陵教單于馬兵以備漢軍故臣無所得上於是

族陵家

通鑑漢武紀又嫁禍

桓溫伐燕不利溫深耻喪敗乃歸罪

於真秦免真為庶人

通鑑晉海西公紀

解紛

子梁鱸年三十未有子欲出其妻商瞿曰吾恐子自晚

生耳未必妻之過從之二年而有子

家語

今有同室之人

鬪者救之雖被髮纓冠而往救之可也

猶解倒懸也

孟解其紛

老子

昔市南宜僚弄丸而兩家之難解

莊子

史如熱之有濯也濯以救熱何患之有

左襄三  
十一年

談言微

中亦可以解紛

史滑稽傳

魯仲連曰所貴乎天下之士者為

人排難解紛

史本傳

里婦亡肉姑以為盜姑逐之婦所善

里母曰我令而家追女矣即束緼請火於亡肉家曰昨

暮夜犬爭肉相殺請火治之亡肉家遽追呼其婦

西漢  
蒯通

傳上曰先帝置孟舒雲中十餘年虜常一入孟舒不能

堅守無故士卒戰死數百人田叔曰孟舒知士卒敝不

忍出言士卒爭臨城死敵如子為父以故死者數百人

孟舒豈敵之哉上覆召舒為雲中守本傳魯連辨言而退

秦包胥單辭以存楚後漢崔駰傳黨事起賈彪謂同志曰吾

不西行大難不解即入關設方畧天子為之大赦袁宏後漢

書謀解時紛三國名臣贊謝安為王國寶所讒孝武召桓伊

飲讌安侍坐伊撫箏而歌怨詩曰為君既不易為臣良

獨難忠信事不顯乃有見疑患周旦佐文武金縢功不刊推心輔王政二叔反流言安泣下沾衿乃越席而就之捋其鬚曰使君於此不凡帝甚有愧色

晉桓伊傳

孫亮出

西苑方食生梅使黃門至中藏取蜜漬梅蜜中有鼠屎召主藏吏吏叩頭亮問吏曰黃門從汝求蜜耶向求實不敢與黃門不服侍中刁玄張邠啟黃門藏吏辭語不同請付獄推亮曰此易知耳令破鼠屎裡燥亮大笑謂玄邠曰若久在蜜中中外當俱濕今裏燥必黃門所為

黃門首服左右莫不驚悚

吳歷互見致察

帝詔允謂曰國書皆

浩作否曰先帝紀及今紀臣與浩同作然而臣多於浩

帝大怒曰此甚於浩安有生路景穆曰天威嚴重允迷

亂失次耳臣向問皆云浩作允竟得免

北史高允傳

孫子答

齊威王曰解雜亂紛糾者不控拳救鬪者不搏撻批亢

擣虛形格勢禁則自為解耳

通鑑周紀

槐里令朱雲上書曰

臣願賜尚方斬馬劍斬佞臣一人頭以厲其餘上問誰

也對曰安昌侯張禹上大怒御史將雲下雲攀殿檻折

雲呼曰臣得下從龍逢比干遊於地下足矣未知聖朝何如耳御史遂將雲去左將軍辛慶忌免冠解印綬叩頭殿下曰此臣素著狂直於世使其言是不可誅其言

非固當容之臣敢以死爭慶忌叩頭流血上意解然後

得已

通鑑漢成紀  
互見忠鯁

袁術遣將紀靈等攻玄德求救於布

布謂靈等曰玄德布弟也為諸君所困故來救之布性

不喜合鬪喜解鬪耳乃令軍候植戟於營門布彎弓顧

曰諸君觀布射戟小枝中者當各解兵不中可留決鬪

布即一發正中戟支靈等皆驚言將軍天威也

通鑑諸漢紀

葛亮曰如何禁止孝直使不得少行其意

漢獻帝紀

應奉上

疏曰馮緄前討蠻荆均吉甫之功劉祐數臨督師有不

吐茹之節李膺著威幽并遺愛度遼今三垂蠢動王旅

未振乞原膺等以備不虞書奏乃悉免其刑久之李膺

復拜司隸校尉

漢桓帝紀

孫權欲斬蘇飛甘寧為權言飛疇

昔舊恩寧不值飛固已捐骸於溝壑不得致命於麾下

今飛罪當夷戮特從將軍乞其首領權感其言謂曰今



為君置之

紀 獻帝

初大司馬問疑中書郎陸機為趙王倫

擬禪詔叔欲殺之大將軍穎為之辨理得免死因表為

平原內史

晉惠帝紀

解關不可以不離

唐德宗紀

辛京果以私忿

杖殺部曲有司奏京果罪當死上將從之李忠臣進曰

京果當死久矣上問其故忠臣曰京果諸兄弟皆戰死

獨京果至今尚存故以為當死久矣上憫然左遷京果

諸王傳忠臣乘機救人多此類

諸王傳

議者言韓滉脩石

頭減陰蓄異志上疑以問李泌泌退遂上章請以百口

保滉妖僧李軟奴謀作亂其黨告之上命捕送內侍省推之李晟聞之遽仆於地曰晟族滅矣李泌問其故晟曰晟新罹謗毀中外有家人千餘若有一人在其黨中則兄亦不能救矣泌乃密奏大獄一起所連引必多外間人情恟懼請出付臺推上從之朝廷之臣無連及者唐德宗紀杜兼誣奏李藩於張建封之薨搖動軍情上大怒密詔杜祐使殺之祐素重藩懷詔旬日不忍發因引藩出詔示藩藩神色不變祐曰君慎勿出口吾已密論

用百口保君矣召藩詣長安上見藩儀度安雅乃曰此

豈為惡者耶即除祕書郎

唐德宗紀五入轉禍為福

權善才范懷義

誤砍昭陵柏罪當除名上特命殺之狄仁傑奏二人罪

不當死上曰善才等砍陵柏我不殺則為不孝仁傑固

執不已上作色命出仁傑曰犯顏直諫自古以為難臣

以為遇桀紂則難遇堯舜則易張釋之有言設有盜長

陵一杯土陛下何以處之今以一株柏殺二將軍後代

謂陛下為何如臣不敢奉詔者恐陷陛下於不道且羞

見釋之於地下故也上怒稍解二人除名流嶺南

唐高宗紀

互入轉移人心

韋嗣立承慶之異母弟也母王氏遇承慶甚酷

每杖承慶嗣立必解衣請代母不許輒私自杖母乃為

之漸寬

唐武后紀互入兄弟

處士韋月將上書言武三思潛通宮

掖上大怒命斬之宋璟奏請推按曰必欲斬月將請先

斬臣不然臣終不敢奉詔

唐中宗紀

勅曰王衍一行並從殺

戮已印畫樞密使張居翰就殿柱楷去衍字改為家字

後唐明宗紀互入求援

竇建德陷京城執戶曹何東張玄素將殺

之縣民千餘人號泣請代其死曰戶曹清慎無比大王

殺之何以勸善

唐高祖紀

張九齡事無細大皆力爭惠妃泣

訴於上曰太子固結黨與將害妾母子亦指斥至尊上

大怒以語宰相欲皆廢之九齡曰太子天下本不可動

搖昔晉獻公聽驪姬之讒殺申生國乃大亂漢武帝信

江充之誣罪戾太子京城流血晉惠帝用賈后之譖廢

愍懷太子中原塗炭隋文帝納獨孤后之言廢太子勇

立煬帝遂失天下由此觀之不可不慎陛下必欲為此

臣不敢奉詔故訖九齡罷相太子得無動

唐玄宗紀

李德裕

為兵部尚書初李宗閔與德裕有隙及德裕還自西川上注意甚厚朝夕且為相宗閔百方沮之不能杜悰嘗詣宗閔曰悰有一策可平宿憾恐公不能用宗閔曰何如悰曰德裕有文學而不由科第常用此為嫌若使之知舉必喜矣宗閔默然有間曰更思其次悰曰不則用為御史大夫宗閔曰此則可矣悰乃詣德裕德裕迎揖曰公何為訪此寂寥悰曰靖安相公令悰達意即以大

夫之命告之德裕驚喜泣下曰此大門官小子何足以

當之

通鑑唐文宗紀

劉仁軌運糧失船李義甫使袁異式鞠之

具獄以聞義甫言於上曰不斬仁軌無以謝百姓舍人

源直心曰海風暴起非人力所及乃除名

通鑑唐高祖

集解疑釋結

解紛挫銳

選薦士表

本朝白樂天為王涯所讒謫江州司馬甘露之禍樂天

有詩云當君白首同歸日是我青衫獨往時不知者以

為幸亡樂天豈幸人之禍者哉蓋非也

仇池筆記

抹弊

經國奢則示之以儉國儉則示之以禮

禮記

子掃地而求更新文

子

史除煩解嬈

西漢晁錯傳

破觚為圓斲珣為璞

酷吏傳

興滯補

弊舉其偏以補其弊

為政不行甚者必變而更化之

乃可理也

董仲舒策

譬兩衣敗壞以一相補猶有完若不如

此將兩無所保

東漢虞翊傳

補綻破壞枚柱邪傾

東漢崔寔傳

治

荒剔蠹反剝以樸剗偽以真自晉訖隋佛老顯行



聖道不斷如帶諸儒倚天下正議助為怪神愈獨喟然

引聖爭四海之惑雖蒙訕笑踰而復奮始若未之信卒

大顯於時

韓愈傳

鄭覃救世之弊在責實

唐書

三王之道所

祖不同非其相反將以救溢扶衰所遭之變然也夏尚

忠殷尚質周尚文者所繼之救當用此也

通鑑漢武紀

凡欲

拯其弊須求致弊之由時弊則但理其時法弊則合革

其法

唐太宗紀

開元中天下鑄錢七十餘爐歲八百萬今纔

十餘爐歲八十五萬又積於商賈之室流入四夷又大

歷以前淄青原魏博貿易雜用鉛鐵嶺南雜用金銀丹砂象齒今一用錢如此則錢焉得不輕今宜使天下輸稅課者皆用穀帛廣鑄錢而禁滯積及出塞者則錢日

滋矣

唐穆宗紀

集八州之人前所不便及所願欲而不得者公至之日

皆罷行之大者驛聞小者立變春生秋殺陽開陰閉令

修於戶庭數月之間而人自得於湖山千里之外

韓文公新修

滕王閣記補苴罅漏

進學解

韓愈轉吏部侍郎凡令吏皆不鎖

聽其出入或問公公曰人所以畏鬼者以其不能見也

鬼如可見則人不畏矣選人不得見令史故勢重聽其

出入故勢輕

皇甫湜作韓愈墓誌

公之來思如古醫之治劇病宜

先顧養氣還神復

劉賓客

百祀之弊一朝而去

唐文粹

本朝三聖既沒邪說幅裂鼎沸莫敢誰何孔子出焉氣足以壓其聲燄量足以吞其區穴排異如摧枯拉朽引

同如川流海會

崇安靈傳論鳴道集

坐視

經燎之方揚寧或滅之 發言盈庭誰敢執其咎詩危

而不持顛而不扶

論語

子嫂溺不援是豺狼也

孟子

觀孺子之入井非仁者之意

視瞽人之觸柱非兼愛之意

抱朴子

史人溺不拯則非人也

東漢崔駰傳

視漏弗填恣傾弗支

唐崔

羣傳政令玩垢上下懈惰

通鑑

集懷道以迷國佯愚而不言顛則不能扶危則不能安

辭楚有觀溺於水而熱於火者有可救之道而終莫之救

也韓文今陽子實一匹夫在位不為不久矣聞天下之得

失不為不熟矣天子待之不為不加矣而未嘗一言及於政視政之得失若越人視秦人之肥瘠忽焉不加喜

戚於心問其官則曰諫議也問其祿則曰下大夫之秩

也問其政則曰我不知也有道之士固如是乎哉韓文凡

吏於土者蓋民之役非以役民而已也凡民之食於土

者出其什一傭乎吏使司平於我也今受其直怠其事

者天下皆然豈惟怠之又從而盜之向使傭一夫於家

受若直怠若事又盜若貨器則必甚怒而黜罰之矣

柳文

知本

經獮祭魚豺祭獸

互入微小有知

鷹祭鳥

互見微小有知

禮不忘其本

古人有言曰狐死正丘首仁也君子已孤不更名

三王之祭川也皆先河而後海或源也或委也此之謂

務本

禮記源泉之所出也委流所聚也

子我不忍以夫子之道反害夫子

孟

清醑之美始於耒耜

黼黻之美始於杼軸

淮南子

史言稱先職不背本也不背本仁也

左成九年

子雖齊聖不

先父食

左文二年

封平為戶牖侯平辭曰非魏無知臣安得

進上曰若子可謂不背本矣

陳平傳

宋高祖微時躬耕於

丹徒及受命耕耨之具頗有存者皆令藏之以留於後

南史本紀

周盤龍自平北將軍為散騎常侍武帝戲之曰卿

着貂蟬何如兜鍪對曰此貂蟬從兜鍪中出耳

齊書孫拯

門人費卿率意二人詣獄明拯寃拯曰吾義不負二陸

死自吾分卿何為爾邪曰君既不負二陸僕又安可負君

通鑑晉  
惠紀

張超曰子源天下義士終不背本

漢獻帝紀

上至顯

仁宮曰朕昔過此買飯而食僦舍而宿今供頓如此豈

猶得言不足乎

唐太宗

王師範曰吾敬桑梓所以教子孫

不忘本也

唐僖宗

初秦王大箭射却突厥後遺大弓一大

箭五世保之郊祀必陳儀物之首以識武功

唐書互入功業

傳記食其食者不毀其器蔭其樹者不折其枝

韓詩服外傳

一彩則念女功勞御一穀則恤農夫勤

世要語

集敢背患而忘初

補正平賦

弱之肉強之食今吾與文暢安



居而暇食優游以生死與禽獸異者寧可不知其所自

也孰豐其川不羨其源

韓文

終朝美飽食終歲好衣裳

好衣美食有來處亦須慙愧桑弘羊霜降水返壑風

落木歸山

苟無先德孰啟後昆

白侍郎

苟含天地秀皆

是天地身

誰言寸草心報得三春暉

孟郊

本朝或勸狄青去鬚間字曰吾所以至此者以是耳

范忠宣公貶永州公之諸子欲以忠宣與司馬公議役

法不同求歸白公公曰吾用君實薦以至宰相同朝議

事不合則可汝輩以為今日之言不可也有愧而生不

若無愧而死

聞見錄

向來一瓣香敬為曾南豐

後山集

忘本

子逢蒙學射於羿盡羿之道思天下惟羿為愈已於是

殺羿

孟子

紀昌學射於飛衛既盡衛之功乃謀殺衛

列子貴

明珠而賤淵潭愛和璧而惡荆山而不知淵潭者明珠

之所自出荆山者和璧之所由生也

抱朴子

食穀而鄙田

衣帛而笑蠶是惑也

陳子要言

冰生於水而冰過水烟生於

火而烟鬱火

劉子

史諺所謂庇焉而縱尋斧焉者也

左傳文公七年

因人之力而

敝之不仁

左傳三十年

皇甫酈曰近者董公之強將軍所知

也呂布受恩而反圖之

通鑑漢獻帝紀

左雄薦周舉為尚書雄

舉馮直坐贓舉以此劾奏雄雄曰進君適所以自伐也

通鑑順帝紀

劉湛之入也殷景仁寔引之湛既至以景仁位

遇本不踰已而一旦居前意甚憤使康義毀景仁於帝

景仁對親舊歎曰引之令入入使噬人

通鑑晉太祖

壞高祖

所居陰室床頭有土障壁上挂葛燈籠麻繩拂侍中衣

顛因盛稱高祖儉素之德上不答獨曰田舍公得此已

為過矣

宋世祖紀

李冲初薦李彪既彪自以結知人主不復

藉冲稍稍踈之唯公坐斂袂而已無復宗敬之意

齊明帝紀

初李德裕執政引白敏中為翰林學士及武宗崩德裕

失勢敏中乘上下之怒竭力排之使其黨李咸訟德裕

罪

唐武宗

崔洪舉郗詵詵後奏洪洪曰我舉郗丞而還奏

我是挽弩自射

晉崔洪傳互見坐主

如借人之戈持之反刺

唐史肅宗

贊

集譬猶鰵卵始生翰毛而陸梁放肆顧行吠主

曹公禽

獸飽而忘恩逢蠱蠱養而成毒

燕公集

凡號門生而不知恩

之所自者非人也

食客空多誰報恩

劉長卿

一一口銜

食養得成毛衣到大啁啾解遊颺各自東西南北飛薄

暮空巢上羈雌獨自歸

王維集

太朝王沂公曾屢薦呂夷簡及大拜與沂公不叶

東軒筆錄

呂布事丁原則殺丁原事董卓則殺董卓劉牢之事王

恭則反王恭事司馬元顯則反司馬元顯

樂城集

知恩

經微管仲吾其被髮左衽矣

論語

子相與尸而祝之社而稷之

莊子

震風凌雨然後知夏屋

之為帡幪也

揚子

史趙盾曰微君姬氏則臣狄人也

左傳

微楚之患不及此

左傳二十八年

微夫人之力不及此

左傳三十年

微武子之賜不至

於今雖獲歸骨於晉猶子則肉之

左昭十三年

衛甯子專公

孫免餘請殺之公曰微甯子不及此

左襄二十七年

吾見申叔

所謂生死而肉骨也

左傳

解衣衣我推食食我

西漢韓信傳

何

武每奏事京師戴聖未嘗不造門謝恩

西漢何武傳

倉卒燕

羹亭豆粥滹沱河麥飯厚意久不報

東漢馮異傳

羊曇為謝

安所愛重安薨輟樂彌年行不由西州路

晉書謝安傳

馮異

曰小臣不敢忘巾車之恩

通鑑光武紀

唐李夷簡彈楊憑憑

立貶臨賀縣尉徐晦獨至藍田與別權德輿曰無乃為

累乎晦曰布衣蒙楊公知獎今日遠謫豈得不與之別

借如明公他日為讒人所逐晦敢自同路人乎通鑑

傳記鮑叔死管仲舉上衽而哭之泣下如雨從者曰非

君臣父子也管仲曰生我者父母也知我者鮑子也士

為知己者死而況為之哀乎說苑庾太尉少為王武子所

知庾過江歎王曰庀其宇下使人忘寒暑世說中

集寸心銘佩牢杜詩昔在韶州之行受命於元兄曰爾幼

養於嫂喪服必以朞今其敢忘天實臨之韓文互見嫂門縱秋

氣之移奪終感恩於篋中張九齡文受曲被之恩私如生羽



翼報非次之拔擢宜裂肝腸

杜牧之

本朝主人覆護恩豈啻一綈袍  
隕首剗心自知無以

報稱

臨川此生恩未報他日目不瞑

後山

### 報恩

經無德不報

詩

史初周人與范氏田公孫尤稅焉趙氏得而獻之吏請  
殺之趙孟曰為其主也何罪止而與之田及鐵之戰以  
徒五百人宵攻鄭師取螽旗於子姚之幕下曰請報主

德

左哀二年

晉公子重耳曰若以君之靈得反晉國晉楚治

兵遇於中原其辟君三舍

左傳傷二十二

子犯曰微楚之惠不

及此退三舍辟之所以報也

左傳二十八年

魏顆見老人結草

以亢杜回杜回躓而顛夜夢之曰余而所嫁婦人之父

也爾用先人之治命余是以報

左宣十五年

晉靈公將殺趙

盾伏甲而饗之初宣子田於首山舍於翳桑見靈輒餓

問其病曰不食三日矣食之既而為公介倒戟以遇公

徒而免之問何故曰翳桑之餓人也

左初蘇秦之燕貸傳

百錢為資及得富貴以百金償之徧報所嘗見德者

史本

傳范睢一飯之德必償

史本傳

秦亡善馬岐下野人共食

之三百餘人吏遂得之繆公曰君子不以畜產害人赦之三百人聞秦擊晉皆推鋒爭死以報食馬之德朱

亥

魏公子無忌客

曰所以不報謝者小禮無所用今乃臣救命

之秋也趙襄子滅智伯其臣豫讓逃遁山中曰嗟乎

士為知己者死女為悅己者容今智伯知我我必為報

讎而死已報智伯則吾魂魄不愧矣

史記

漢高封項伯等

四人為列侯賜姓為劉氏

先有功於漢者西漢本紀

豫子吞炭壞形

以奉見異齊客隕首公門以報恩施

西漢谷永傳

竊歎古人

一飯之報

東漢李固傳

情為恩使命緣義輕

東漢朱暉傳論

太史慈

避事之遼東北海太守孔融遣人詢問其母並致餉遺

融為管亥所圍慈單騎見融既又求救於玄德得兵解

圍

吳志

都鑒嘗食周翼粟鑒覺翼追撫育之恩解職席

苦心喪三年

晉書

陰鏗宴飲見行觴者因回酒以授之及

侯景之亂鏗嘗為賊所擒救之獲免鏗問其故乃前所

行觴者

陳書

傳記伍子胥奔吳至溧陽女子擊絮灘水上子胥  
乞餐女子簞瓢壺漿而食之子胥去五步顧女子已  
投水後子胥伐楚師還過溧陽報以百金投瀨水而  
去

吳越春秋

隋侯曾得大蛇不殺而遣之蛇後銜明珠以

報隋侯

荊州記

楊寶九歲見一黃雀為鴟梟所搏

墜樹下為螻蟻所困取之歸置巾箱中以黃花  
食之百餘日毛羽成飛去夜有黃衣人以白環四枚

與竇曰令君子孫潔白位登三公當如此數

續齊

諧韓愈幼孤見鞠於兄嫂氏嫂卒服期喪以報德

祁無

釋文公廟記

集期守死以報德

補正平賦

匹夫媵婦尚能致命一餐

選與彭寵

書鬼亢回以斃秦

文選

灰軀靡骨以甘心願

陳子昂

結纓仗

劍少謝萬一剖心摩踵以報所天

江文通賦

感君恩重許君

命泰山一擲輕鴻毛

李太白

豈鮒魚之心能報東海之恩

烏鳥私情得盡歡於長養犬馬微力誓效死以酬恩

白樂天

重恩山木荅

杜牧

報恩如皎日

武伯蒼

禽息之首為

知己而必碎豫讓之身感國士而能漆

張九齡文

蒿岱洪恩

終難酌於蟻垤

駱賓王

報德空思奉細涓

唐文粹

定是酌恩

日今朝覺命輕

王維集

### 背恩

史出因其資入用其寵飢食其粟三施而無報是以來

也

左傳

背施無親民所棄

左傳十四年

晉饑秦輸之粟秦饑晉

閉之糴

左傳五年

背惠食言

左傳二十八年

王莽使安陽侯舜見太

后后日而屬父子宗族蒙漢家力富貴累世既無以力  
報受人孤寄乘便利時奪取其國不復顧恩義人如此  
者狗猪不食其餘天下豈有爾兄弟耶

通鑑漢  
平帝紀

集咫尺炎涼變四時

韋應  
物詩

本朝未乾薦禰之墨已彎射羿之弓

歐公集

歐公之士叛

公於瞬息俄頃之際

東坡勤上  
人詩序

報怨

經以怨報怨則民有所懲

禮記

以直報怨

論語



子趙襄子殺智伯豫讓欲報怨恐人識之乃落其齒以

易其貌

淮南子

史楚伍尚謂其弟員曰我能死爾能報

左傳二十年

鄭伐宋

以報東門之役

左隱五年

夫差使人立於庭苟出入必謂已

曰夫差而忘越王之殺而父乎則對曰唯不敢忘三年

乃報越

定十四年

越伐吳王孫彌庸見姑蔑之旗曰吾父之

旗也不可以見讐而勿殺

左傳

齊哀公享乎周紀侯諧之

襄公將復讎乎紀遠祖九世矣九世猶可以復讎乎雖

百代可也家亦可乎不可國何以可國君一體也先君

之耻猶今君之耻也

公羊

張儀為秦相為文檄楚相曰始

吾從若飲我不盜而璧君答我若善守汝國我顧且盜

而城

史本傳

怨毒之於人甚矣王者尚不能行之於臣下

况同列乎方子胥寃於江上道乞食豈嘗須臾忘郢耶

故隱忍就功名非烈丈夫孰能致此耶

本傳論

勾踐曰孤

嘗困於會稽痛入骨髓日夜焦唇乾舌徒欲與吳王接

踵而死孤之願也

端木賜傳互見怨恨

借力以雪父之耻

伍子胥傳

李

廣贖為庶人夜至霸陵尉呵止廣居無何廣拜北平太

守廣請霸陵尉至軍斬之

本傳

我有積怨深怒於齊不論

一作

輕弱而欲以齊為事

史樂毅傳

范睢睢眦之怨必報

本傳

傳張良韓人秦滅韓良以家財求刺客為韓報讎得力

士為鐵椎重百二十斤秦始皇遊博浪沙中良與客俱

擊秦帝誤中副車

西漢本傳

漢高祖怨丘嫂之轅釜封其子

為羹頡侯

西漢楚元王傳

執讎過直

西漢地理志直當也

刷會稽之耻

漢武

紀帝發憤快志剡手以衝讎人之胷固為俱靡而已

前賈誼傳

孫秀為小吏給事潘岳而狡黠自喜岳惡其為人數辱之秀常銜忿及趙王倫輔政秀為中書令岳於省內謂秀曰孫令猶憶疇昔周旋不答曰中心藏之何日忘之岳於是自知不免俄而秀遂告岳及石崇歐陽建謀奉淮南王允齋王冏為亂誅之夷三族

晉書潘岳傳

趙娥父為

李壽所殺娥乃幃車袖劍白日刺壽於都亭

魏志互見女門婦人

才畧劉穆之好往妻兄家乞食多見辱其妻江嗣女每

禁不令往後江氏有慶會穆之猶往食畢求棋榔江氏

兄弟戲之曰檳榔消食君乃常飢何忽須此妻市穀饌  
為其兄弟以餉穆之穆之為丹陽尹召妻兄弟乃令厨  
人以金拌貯檳榔一斛進之

宋書本傳互見妻家及施報兩失

龐涓自

以能不如孫臏以法斷臏兩足涓為魏將軍伐韓韓請  
救於齊齊田忌以孫為師消逐之孫子度其行暮至馬  
陵可伏兵乃砍大樹白而書之曰龐涓死此樹下果夜  
至砍木下見白書以火燭之讀未畢萬弩皆發涓乃自  
刎曰遂成豎子之名

通鑑周紀

昔齊襄公復九世之讎春秋

大之

通鑑  
武紀

晁錯為御史大夫使吏按袁盎受吳王財物

抵罪詔勅以為庶人吳楚反錯謂丞史曰袁盎多受吳

王金錢言不反今果反欲治盎盎恐夜見嬰言為言吳

所以反願至上前口對狀嬰入言上乃召盎盎對曰方

今計獨有斬錯發使勅吳楚二國復其故地上曰吾不

愛一人以謝天下召錯斬東市

通鑑

太子素惡西昌侯鸞

嘗謂子良曰我亦殊不喜此人不解其故當由其福薄

故也及鸞得政太子子孫無遺焉

齊太  
祖紀

塞味道素不禮

於殿中侍御史周矩屢言其不能了事會羅告味道者

勅矩按之矩謂味道曰公責矩不了事今日為公了之

味道及子皆伏誅

唐武后紀

竇參惡左司郎中李巽出為常

州刺史及參貶郴州巽為湖南觀察使汴州節度使劉

士寧遺參絹五十匹巽奏參交結藩鎮上大怒欲殺參

李吉甫為相多修舊怨

唐德宗紀

汲黯常毀儒而觸弘弘

欲誅之請徙黯為右內史

漢武紀

傳記越王念欲復怨苦思勞心夜以接日夏則握火寒

則抱冰

吳越春秋

子胥闔廬將為之報讎使子胥伐荊子胥

操籬咎平王之墓曰吾先人無罪而子殺之今以此報

子

越絕書

炎帝之少女名曰女娃遊於東海溺而不反化

為寃禽名曰精衛嘗銜西山之木石以堙於東海

山海經

上命李龜年持金花牋宣賜李白白立進清平調三篇

有句曰可憐飛燕倚新粧高力士終以脫靴為耻異日

妃重吟前詞力士曰始謂妃子怨李白入骨髓何乃拳

拳如是曰何學士能辱人如斯力士曰以飛燕指妃子



賤之甚矣上三欲命李白官卒為宮中所捍而止

楊妃外傳

集胝胝精衛銜木償冤

魏都賦

子復父讎見於春秋見於

禮記又見於周官又見諸子史不可勝數未有非之者

也鳥有償冤者終年抱寸誠口銜山石細心望海波

平渺渺功難見區區命以輕人皆譏造次我獨賞專精

豈計休無日惟應盡此生何慙刺客傳不著報讎名

韓集

數處報讎身不死

唐文粹

事讎

子楚以六千里為讎人役荀子

史魯桓公十八年會齊侯於濼遂及文姜入齊齊侯通

馬公謫之齊侯享公使公子彭生乘公公薨於車莊公九年


公及齊大夫盟於莒十一年齊侯來迎共姬注齊主婚二十

三年公如齊觀社二十四年哀姜至使宗婦覲用幣左傳

秦召楚懷王會懷王死於秦諸侯不直秦頃襄王復與

秦平七年迎婦於秦復結和親史記楚世家反君事讎行若

狗彘西漢賈誼傳



記纂淵海卷七十二

欽定四庫全書

子部

記纂淵海卷七十三

詳校官中書<sub>臣</sub>涂日煥

主事<sub>臣</sub>祁韻士覆勘

總校官降調編修<sub>臣</sub>倉聖脉

校對官中書<sub>臣</sub>王嘉賓

謄錄監生<sub>臣</sub>胡念祖

欽定四庫全書

記纂淵海卷七十三

宋 潘自牧 撰

人事部

順便

子猶水之就下獸之走壙 由水之就下沛然誰能禦  
之若決江河沛然莫之能禦也

孟子

父母於子東西南北

惟命之從

莊子

若挈裘領詘五指而頓之順者不可勝數

也

荀子

勢如決積水於千仞之隄若轉圓石於萬丈之谿

淮南子

史猶居高屋之上建瓴水也

史記漢祖紀建音塞翻瓴水言其向下之勢易也

以石投水莫之逆也

史記

願指如意

漢賈誼傳

快意當前適觀

而已矣

史李斯傳

皆如意指

陸賈傳

如身之使臂臂之使指莫

不制從

賈誼傳五入控制有道

如坂上走丸

蒯通傳

飛蓬隨風

史明帝紀

順傾轉圓不足以喻其便

漢蔡邕傳

如晨風之鬱北林龍魚

之趣藪澤

晉孝愍紀

傳記一日之行所欲必成玩好必從珍異必聚

說苑

挹水

於河而取火於燧

戰國策

集翼乎如鴻毛遇順風沛乎如巨魚縱大壑

王褒頌

翰飛

絕跡一舉千里

曹植集

去馬覺蹄輕

姚少監

若河決下流而

東注若駟馬駕輕車就熟路而王良造父為之先後也

韓文

春浪之奔壑夏雲之得龍秋弧之發矢冬爐之納火

如良庖之投刃無復肯綮

文粹互入自得三昧

如矢別弦

劉賓客集

如刀劒發剗割而無滯如鐘磬在懸動而有聲

白樂天

勢

如舟楫相得當洪流而鼓迅風崇朝千里不足怪也

同上



本朝行千里而未嘗齟齬兮其意驕逞而不可摧如  
寄諸鄰而取之 父命於子惟所東西 視客之所居  
與其凡所資用如官府如廟觀如數世富人之宅

東坡

艱難

經予手拮据予所將荼予所蓄租予口卒瘠 陟彼矧  
矣我馬瘠矣我僕痡矣云何吁矣

詩

子若負重行而上也

莊子

史險阻艱難備嘗之矣

左傳

蒙霜露沐風雨

西漢淮南王安傳

逆

坂走丸迎風縱棹豈云易哉

皇甫嵩傳

間關險難

後漢

曹操智

計絕人然困於南陽險於烏巢危於祁連偏於黎陽幾

敗北山殆死潼關然後偽定一時耳

通鑑魏明帝

集道壅塞而不達兮江河廣而無梁 勢不能凌波以

徑度兮又無羽翼而高翔 車軌折兮馬虺隤 願自

往而徑遊兮路壅絕而不通欲修道而平驅兮又未知

其所從

楚詞

投艱履險

權載之集

百步九折

唐文粹

紫禁終難叫

朱門不易排

駱賓王

神速

經惟神也故不疾而速不行而至

易

子發若機括

莊子

擊電無餘光疾雷無餘聲

公孫子

史不崇朝而徧雨乎天下

公羊傳

至如熒風去如收電

西漢

韓安國傳

揉曲木者不累日銷金石者不累月

西漢公孫弘傳

口雖

未言聲疾雷震令雖未出化馳如神

蒯通傳

韓信曰三秦

可傳檄而定

本傳

天下可傳檄而定

後漢耿弇

見事風生

西漢趙廣

漢傳言其疾速不可當也

主父偃上書闕下朝奏暮召入

通鑑漢武紀

機

事以速為神震雷不及掩耳

唐李靖傳

集若疾霆轉雷而激迅風也

張平子東京賦

發膚寸之陰成彌

天之澤

劉賓客集

有如乘風船一縱不可纜

韓集秋懷詩

本朝須臾慰滿三農望斂却神功寂似無

韓魏公兩詩

### 緩慢

子董安于性緩故佩弦以自急

韓非子

史穰侯見事遲

史記范雎傳

陳寵有智而遲

通鑑漢獻帝紀

玄德人

傑有智度而遲

荀彧曰袁紹雖有大志而見事遲

魏志

姚崇曰張丞相

說

見事常遲於我數日之後

舊唐書

相孚

子三人相視而笑莫逆於心遂相與友

莊子

適子懷於燕

慈母喻於荆情相往來也

淮南子

史祁奚免叔向不見叔向而歸叔向亦不告免而朝

左傳

襄三十一

子產知然明問為政焉子產喜以語子太叔曰他

日吾見蔑之面而已今吾見其心矣

左傳

吳公子光謂專

諸曰光之身子之身也

史專諸傳

剖心析肝相信豈移於浮

辭哉

史鄒陽傳

孔子過鄭與子產如兄弟兄事子產

史鄒世家

夏

侯嬰過高祖語未嘗不移日

史記

披心腹見情素隨肝胆

西漢鄒陽傳

高祖嘗與陳平金四萬斤以間楚軍不問出入

所為其復疑以錢穀間哉

東漢馬援傳

母子慈愛終始無纖

介之間

通鑑漢明帝

尹敏與班彪親善每相過輒日盱忘食

夜分不寢自以為鐘期伯牙莊周惠施之相得也

東漢尹敏

傳互見朋友

無纖介之隙

漢章帝

孫盛詣殷浩談論食冷而復

暖者數四

晉書互入朋友

孫權曰孤與子瑜有死生不易之誓

子瑜之不負孤猶孤之不負子瑜也

通鑑魏文紀

孫權曰子

瑜與孤從事積年恩如骨肉深相明究孤與子瑜可謂

神交非外言所間

三國魏大紀

恩如骨肉帳中之飲結帶之

言可謂親矣

晉安紀

王導曰吾與元規休戚是同悠悠之

談宜絕智者之口

晉成紀

王戎與阮籍為竹林之遊戎嘗

後至籍曰俗物已來敗人意戎笑曰卿意亦復易敗耳

晉書王戎傳

晉羊祜與陸抗對境使命通抗遺酒飲之不疑

抗疾求藥於祜祜即以成藥與之抗即服之人多諫抗

抗曰豈有醜人羊叔子哉

晉武帝紀

魏主執彭城王勰手曰

二曹以才名相忌吾與汝以道德相親

北魏書

情深魯衛

書信恒通

梁高祖紀

韋孝寬與裴文舉談論不覺膝前於席

後周書

加高頴上柱國帝勞之曰公伐陳後人言公反朕

已斬之君臣道合非青蠅所能間也

通鑑隋高祖

唐憲宗曰

朕諸李絳不如是

唐憲宗紀

郭子儀功蓋天下而主不疑

唐書

本傳二人深相知同心徇國故唐氏稱賢相者惟房杜

通鑑

唐太宗



傳記孫安國往殷中軍共論往反精苦客主無間

世遠說

公與十八賢同修淨土於白蓮送客過虎溪虎輒鳴與

陶元亮陸靜修談道不覺過虎溪因相與大笑故作三

笑圖

廬山記

集惠然不疑推寘於肺肝間

杜牧之

疑消破癥弩

元微之

不

以我為貪知我家內貧

肺腑都無隔

白樂天

吾與叔堅

剖心相知豈以流言相猜耶

張奐與延叔堅書

猜疑

附不相孚

經蓄疑敗謀書

子人有亡鈇者意其鄰之子視其行步竊鈇也顏色竊

鈇也言語竊鈇也作動態度無為而不竊鈇也

列子繼子

得食肥而不澤情不相與往來也

淮南子

史疑行無名疑事無功

商鞅傳

霍光權益重每朝見上虛

已斂容禮下之已甚

通鑑漢宣紀

景帝居禁中召周亞夫賜

食因趨出上目送之曰此怏怏非少主臣也

西漢本傳

宣帝

初立謁見高廟大將軍霍光驂乘上內嚴憚之若有芒

刺在背光死而宗族誅俗傳霍氏之禍萌於驂乘

漢宣帝紀

崔駰曰未信而納忠者謗也

東漢本傳

杜預疑心而信耳目

疑耳目而信簡書

通鑑晉紀

王濬伐吳不受王渾節制濬常

疑渾渾詣濬濬陳武備然後相見

晉書

猜忍受讒功臣故

舊無始終保全者乃至子弟皆如讎敵

通鑑隋高祖

杜牧曰

世稱周召為百代之師周公擁孺子而召公疑之以周

公之聖召公之賢少事文王老佐武王能平天下周公

之心召公且不知之召公尚爾況其下哉

唐書新羅傳

上每

有寇盜輒命世民討之事平之後猜疑益甚

通鑑唐高祖 煬

帝不信齊王恒有中使察之聞其宴飲則曰彼營何事

得遂而喜聞其憂悴則曰彼有他念故爾父子之間且

猶如是況他人乎

唐太宗

齊王暕素失愛於帝恒相猜忌

宇文化及使人就第誅暕竟不知殺者為誰父子至死

不相明

隋煬帝

心膂之內尚有形迹之拘

唐德宗

初王敦之

舉兵也周顓上表明導言甚切導不知救已而甚銜之

晉周顓傳

唐宣宗素惡德裕即位之日德裕奉冊既罷謂左

右曰適近我者非太尉邪每顧我毛髮洒淅

通鑑唐武宗

集羣鷗不下衆雀遙驚

朱敬則魏武論

對面九疑峯

斗酒強

然諾寸心終自疑

李太白集

疑生所怪

柳文

不予衾之眠信予

衾之穿

盧全

疑懼聽冰狐

溫飛卿

機密

經我聞有命不敢以告人

詩

子韓昭侯必獨卧惟恐夢言泄於妻妾

韓非子

史楚王曰言出於余口入於爾耳

左傳昭二十年

勢不可以多

人多人則不能無生得失則語泄

史聶政傳

石建屏

人乃言

西漢

屬其人勿衆謝

西漢王嘉傳

張安世典樞機周密

外內無間

西漢本傳

孔光休日歸沐兄弟妻子燕語終不及

朝省政事或問孔光溫室省中樹皆何木也光默不應

更答以他語其不泄如是

通鑑漢成紀

手書毀草不宣於外

東漢皇甫傳

荀攸深密有智防自從太祖征伐常謀謨帷幄

時人及子弟莫知其所言

魏志本傳

顧雍軍國得失自非面

見口未嘗言

三國魏紀

陳羣前後數陳得失每上封事輒削

其草時人及子弟莫能知也

魏明紀

殷景文卧疾五年雖

不見上而密函去來日以十數朝政大小必以啓之形

迹周密莫有窺其際者

通鑑宋太祖

周捨同參國政每有表

奏輒焚其藁捨豫機密二十餘年未嘗離左右國史詔

誥儀禮法律軍旅謀謨皆掌之與人言謹終日不絕而

竟不漏泄機事

通鑑梁武紀

戴胄奏已藁秘外莫知

唐書傳奕

性謹密職在占候杜絕交遊所奏灾異悉焚其藁人無

知者

通鑑唐高宗

上漏其情則下不敢盡意上泄其事則下

不敢盡言

劉黃策

集密語誰得知

白樂天集

疎畧

經君不密則失臣臣不密則失身機事不密則害成

子曰亂之所生也則言語以為階

易

子棠谿公見韓昭侯曰為人君漏泄羣臣之語猶玉卮

無當也

韓非子

牆有耳微謀外泄

管子

史祭仲專鄭伯患之使其壻雍糾殺之將享諸郊雍姬



知之謂其母曰父與夫孰親其母曰人盡夫也父一而

已胡可比也遂告仲曰雍氏舍其室而將享子於郊吾

惑之以告祭仲殺雍糾尸諸周氏之汪公載以出曰謀

及婦人宜其死也

左傳桓十五

言語漏泄則職汝之由

左傳襄十

四子貢曰無報人之志而令人疑之拙也有報人之意使

人知之殆也事未發而先聞危也

史記端木賜傳

恐事未遂而

謀泄則禍立至矣

通鑑周紀

師丹使吏書奏吏私寫其草丁

傅子弟聞之使人上書丹上封事行道人徧持其書上

以問將軍中朝臣皆對曰忠臣不顯諫大臣奏事不宜

漏泄

通鑑漢成紀互見讒譖

蕃欲誅宦官乃先事露章曰願出臣

章示左右令諸姦臣知臣疾之

東漢本傳

漏泄省中語

西漢賈捐

之才疎意廣

東漢孔融傳

蜀大將軍費禕與諸將大會於漢

壽郭循在坐禕歡沈醉循起刺禕殺之禕資性汎愛不

疑於人

通鑑蜀後主紀

甘卓家人皆勸卓備王敦卓不從悉散

兵佃作襄陽太守周慮密承敦意詐言湖中多魚勸卓

遣左右悉出捕魚慮引兵襲卓於寢室殺之傳首於敦

通鑑晉  
明紀

殷仲文素有才望自謂宜當朝政悒悒不得志

出為東陽太守東陽何無忌所統仲文許便道修謁無

忌喜欲迓之而仲文失志恍惚遂不過府無忌以為薄

已大怒

通鑑晉  
安紀

劉蕡曰上漏其情則下不敢盡意上泄

其事則下不敢盡言

劉蕡戒帝漏言而身誦詔於庭

新唐書  
本傳

申錫欲誅宦者王璠漏其謀申錫貶

通鑑唐  
文宗紀

齊

澣言葛福順典禁兵不宜與王毛仲為婚毛仲小人寵

過則生姦不早為之恐成後患又曰君不密則失臣願

陛下密之會大理丞麻察坐事左遷澣素與察善出城  
餞之因道禁中諫語察性輕險遽奏之 信安王禕以

軍功有寵於上宇文融疾之禕入朝融使御史李寅彈  
之泄於所親禕聞之先以白上明日寅奏果入上怒融

寅坐貶

通鑑

集不密致危

正平賦

本朝寇萊公為相惟其側有小人不能誅又不能與之  
無忿故終以斥去及范文正在相府又欲以歲月盡治

天下事失於急與不忍小忿故羣小人亦急逐去之一  
去遂不復用以歿其身

老泉

天禧末真宗寢疾章獻明肅

劉太后漸預政真宗意不能平寇萊公探知此意遂欲  
廢章獻立仁宗尊真廟為太上皇而誅丁謂曹利用等  
於是引李迪楊億曹緯盛度李遵勗等叶力處畫已定  
凡誥命盡使楊億為之且將舉事會寇萊公因醉誤言  
有人馳報謂夜往利用家謀明日利用入盡以萊公謀  
白太后詔罷政事真宗上仙遂投公海上其事有類上

官儀者

三朝言行錄

有分

傳傾蓋如故

史袁盎為太常竇嬰為大將軍兩人素相與善

史本傳

集舊托於心契

同學同年又同舍

劉賓客

半面契終始

元稹集

半面之故

白帖

本朝同官同齒復同科朋友婚姻分最多

臨川集

無分

史非宿素之交無一日之雅

西漢谷永傳

無雅信

西漢杜欽傳

集相與昧平生

顏延年秋胡詩

非有積素累舊之歡皆塗觀卒

遇

四子講德論

看看未相識脉脉不得語

劉子

有本

子原泉混混不舍晝夜盈科而後進放乎四海有本者

如是

孟子

史木水之有本原也

有基無壞

左傳

基廣則難傾根深

則難拔

晉孝愍紀

有根無葉或可俟時

唐柳玭傳

集自源發流安得不廣

王充論衡

流長則難竭柢深則難朽

張平子西京賦

其植根固其流波漫

根之茂者其實遂膏之

沃者其光晠仁義之人其言藹如也

韓文

本朝枯槎燒盡有根在一洗春雨皆萌芽 吾文如萬

斛泉源水不擇地而出

東坡

無本

經譬彼壞木疾用無枝

本實先撥 詩

子荀為無本七八月之間雨集溝澮皆盈其涸也可立



而待也

孟子

入水之爐火滅而煙不即息既斷之木柯葉

猶生二者非不有煙非不有葉而所以為煙為葉者已

先亡矣

抱朴子

史本既弱矣其能久乎

左桓二年

是謂履其本

左襄十九

有葉無

根膏雨所不能活

唐柳玭傳

集潢潦無根源朝滿夕已除

韓集

無意

經心不在焉視而不見聽而不聞食而不知其味

大學註心

有不存則無  
以檢其身

子以瓦樞者巧

列子

以瓦注者巧

莊子

心不使焉則白黑在

前而目不見雷鼓在側而耳不聞

荀子

評人好醜雖言得

其實彼必嫌怨及其自照明鏡摹倒其容醜狀既露則

內慙而不怨向之評者與鏡無殊然而向怨而今慙之者

以鏡無情而人有心也

列子

本朝人之所信者手足耳目也目識多寡手知輕重然  
人未有以手量而目計者必附之度量與權衡豈不自

信而信物蓋以為無意無我然後得萬物之情 深山

大澤有天地之寶無意於寶者得之

東坡文

有意

子以黃金樞者昏

列子

以黃金注者昏

莊子注云所  
要重則心矜

評人

好醜雖言得其實彼必嫌怨及其自照明鏡摹倒其容

醜狀既露則內慚而不怨向之評者與鏡無殊然而向

怨而今慚之者以鏡無情而人有心也

列子互見事  
同體異門

創始

經包犧氏始作八卦以通神明之德以類萬物之情作  
結繩而為網罟以佃以漁神農氏作斲木為耜揉木為  
耒耒耜之利以教天下日中為市致天下之民聚天下  
之貨黃帝堯舜氏作垂衣裳而天下治剡木為舟剡木  
為楫舟楫之利以濟不通服牛乘馬引重致遠以利天  
下重門擊柝以待暴客斷木為杵掘地為臼臼杵之利  
萬民以濟弦木為弧剡木為矢弧矢之利以威天下上  
古穴居而野處後世聖人易之以宮室古之葬者厚衣

之以薪不封不樹後世聖人易之以棺槨古者結繩而

治後世聖人易之以書契開物成務易智者創物 爍

金以為刃凝土以為器作車以行陸作舟以行水此聖

人之所作也周禮昔者先王未有宮室夏則居橧巢未有

火化食草木之實鳥獸之肉飲其血茹其毛未有麻絲

衣其羽皮後聖有作然後修火之利範金合土以為臺

榭宮室牖戶以炮以燔以烹以炙以為醴酪治其麻絲

以為布帛以養生送死 作者之謂聖

禮記

史至今天下言醫者由扁鵲也

史本傳

諸葛亮勸農講武

作木牛流馬運米集斜谷口

通鑑魏明紀

王章掌財賦舊錢

出入皆以八十為陌章始令入者八十出者七十七謂

之省陌

通鑑周太祖

集古之時人之害多矣有聖人者立然後教之相生養之道為之君為之師驅其蟲蛇禽獸而處之中土寒然後為之衣饑然後為之食木處而顛土處而病也然後為之宮室為之工以贍其器用為之賈以通其有無為

之醫藥以濟其天死為之葬埋祭祀以長其恩愛為之  
禮以次其先後為之樂以宣其湮鬱為之政以率其怠  
勸為之刑以鋤其強梗相欺也為之符璽斗斛權衡以  
信之相奪也為之城郭甲兵以守之害至而為之備患  
生而為之防

韓文

本朝至和間富公當國立一舉三十年推恩之法蓋公  
與河南進士段希元魏升平同場屋相善公作相不欲  
私之故為天下之制

聞見錄

# 守成

經太平君子能持盈守成

詩序

巧者述之守之世謂之工

周禮祭祀之法居喪之服哭泣之位皆如其國之故謹修

其法而審行之凡祭有其廢之莫敢舉也有其舉之莫

敢廢也

述者之謂明

禮記

史安定者貴順權

史記秦  
始皇紀

參曰高帝與蕭何定天下法

令既明今陛下垂拱參等守職遵而勿失

史蕭何  
世家

蕭何

為法較若畫一曹參代之守而勿失

曹參  
傳

臣書生唯知



謹守歷代成規

五代晉高祖

集纂就前緒遂成考功

續初繼業

楚辭

家成百年之業

班固西

都賦

素定

經天尊地卑乾坤定矣

易

子天不言而人推高焉地不言而人推厚焉四時不言

而百姓期焉

荀子互入素服

伯夷叔齊非於死之日而後有名

也

管子互入素服

史事成不愆於素

左傳

集梓人畫宮於堵而績於成

柳文

本朝古之君子如伊尹太公管仲樂毅之流其王霸之略定畎畝之中非仕而後著也

東坡樂全先生文集

### 傳遠

經克勤無怠以垂憲乃後

書

夫鼎有銘銘者自名也自

名以稱揚其先祖之美而明著之後世者也

禮記

百世以

俟聖人而不惑

中庸

子聖人百世之師也

孟子子

垂憲立言以貽後人

仲尼有

云我欲托之空言不如載之行事之深切著明也

孟子序

有萬世之名

列子

書之竹帛琢之盤盂傳以遺後世子孫

尹鄧子

託竹素者為世寶也

抱朴子

史銘其功烈以示子孫

左襄十九互入功業

臧文仲既沒其言立

左襄二

孔子布衣傳十餘世學者宗之

史記孔子世家

燕齊之

十四

祀與周並傳子繼弟及歷代不墮

西漢功臣表

雖經千載遺

風餘烈尚猶不絕

前禮樂志

垂功名於竹帛

東漢鄧禹傳

魏文帝

與王朗書曰人生有七尺之形死為一棺之土唯立德

揚名可以不朽其次莫如著篇籍

魏書

播留後之聲

晉書禮志

遺風餘烈

晉書謝靈運傳

王彥章曰豹死留皮人死留名

五代史

集垂文揚采遺將來兮金相玉質百歲無匹名垂罔

極永不刊滅者也

楚辭

文章不朽之盛事

選典論

姬公之籍

孔父之書與日月俱垂

文選序

歷世彌光

選張平子東京賦

流千

載之英聲

楊修答臨淄侯牋

惟令德為不朽兮身既沒而名存

曹大家東征賦

悠悠百世後英名擅八區

遺烈光篇籍

左思咏史

銘功景鐘書名竹帛

楊德祖賦

烏奕乎千載

班固典引

辭義典雅

足傳於後此子為不朽矣

魏文帝

世彌積而功宣身逾遠

而名昭

選碑

不假良史之辭不托飛馳之勢而聲名自傳

於後

魏文帝紀

芳烈奮於百世令聞顯於無窮

郭有道碑

風

流五百年

豐功利生人天地同朽滅

李白

雄筆映千古

盛事垂不朽

大夫垂名記萬年

杜詩

君之好修兮企

千載其相望

唯有令名日高日遠

皇甫湜

自古死者非

一夫子至今有耿光

所言必傳世行後

至今照人

耳目赫赫若前日事

子之自著表表愈偉

韓愈文

如日

不滅如海不竭

唐呂溫傳若銘

綿越千祀至今血食

柳漢原廟銘

足

以垂世立教

傳之子孫以貽後代

孔穎達書序

著在國史

垂為美談

劉賓客集

名垂不滅能光萬祀

李習之

穹壤可弊唯

名不息金石垂之以慰罔極

呂和叔

身沒聲名在多應萬

古傳

賈島詩

激清一時流譽千古

不隨世磨滅

唐文粹

垂

示百代

佳句久傳芳

吟咏流千古

懿文茂績斯

謂不朽

白樂天

死而不朽反貴於生

武侯碑

刻工姓名於其

器以察其信

記月  
令注

傳記其人已亡杳成空寂其事如在皎如星漢 朝廷

之士山林之客皆圖不朽之事書名竹帛

史通

本朝惟有善者能有後而託於文字者可以無窮雖死而不朽愈遠而彌存 凡物有形終必有弊自古聖賢之傳者非皆託於物固能無窮也乃知為善之堅堅於金石 死而不朽萬世之傳 我欲貴子文刻以金石 聯金可燍而銷玉可碎非堅不若書以紙六經皆紙傳

歐公集

流弊

經夫豢豕爲酒非以爲禍也而訟獄益繁則酒之流生禍也  
夏道尊命其民之敝蠹而愚喬而野樸而不文  
殷人尊神其民之敝蕩而不靜勝而無恥周人尊禮其  
民之敝利而巧文而不慙賊而蔽詩之失愚書之失  
誣春秋之失亂

禮記

子孟子曰伯夷隘柳下惠不恭隘與不恭君子不由也



孟子

史作法於涼其弊猶貪作法於貪弊將若何

左傳昭四互見作俑

太史公曰夏之政忠忠之敝小人以野商以敬敬之敝

小人以鬼周以文文之敝小人以僂

史高帝紀

荆軻見秦王

取圖奏之圖窮而匕首見因把秦王之袖逐秦王環柱

而走羣臣皆愕秦法羣臣侍殿上者無得持尺寸之兵

諸郎執兵皆陳殿下非有詔召不得上方急時不及召

下兵以故軻逐秦王引匕首擲秦王不中

史記本傳

夫置兵

所以止亂也及其弊也適足以為亂又其甚也至困天

下以養亂

唐書  
兵志

本朝太宗平河東立和糴法時米斗十錢草束八錢民  
樂與官為市其後物貴而和糴不解遂為河東世世患

莊老之後其禍為申韓

東坡集

韓魏公嘗謂大臣以李

固杜喬為本其弊猶恐為胡廣趙戒以胡趙自處弊可

知也

遺事

慣習

經習與性成 世祿之家鮮克由禮 位不期驕祿不

期侈

書

子居移氣養移體

孟子

嬰兒生無名師而能言與能言者

處也

莊子

越人安越楚人安楚

荀子

蓼蟲在蓼則生在芥則

死非蓼仁而芥惡本不可失

文子

九疑之南陸事寡而水

事衆於是民人被髮文身以像鱗虫短綣不綳以便涉

游短袂攘卷以便刺舟因之也鴈門之北狄不穀食賤

長貴壯俗尚氣力人不弛弓馬不解勒便之也

淮南子  
訓道篇

吏譬如田獵射御貫則能獲禽

左襄二十五年

少而習焉其心

安焉不見異物而遷焉

國語

習貫如自然

西漢賈誼傳

吳地

以船為家以魚為食

五行志

胡越之人生而同聲嗜欲不

異及其長而成俗累數譯而不能相通行有雖死而不

相為者則教習然也習與智長故切而不媿化與心成

故中道若性

賈誼傳

秦使趙高傳胡亥而教之獄所習者

者非斬剗人則夷人之三族也胡亥今日即位而明日

射人忠諫者謂之誹謗深計者謂之妖言其視殺人若

刈草菅然豈惟胡亥之性惡哉彼其所以道之者非其

理故也

通鑑漢文紀

傳記戎人生乎戎而戎言楚人生乎楚而楚言不知其

故也今使戎人長乎楚楚人長乎戎則楚人戎言戎人

楚言矣

呂氏春秋

集蓼蟲不知徙乎葵菜

楚辭

蓼蟲忘辛

左太冲魏都賦

蓼蟲避葵

董習苦良可哀

鮑昭放歌行

食辛能避蓼

元微之

鮑肆不知其

臭翫其所以先入

張平子東京賦

生長太平日不知太平歡

韋應

物

本朝寢久之俗益薄惡而可嗟習慣為常遂安恬而不

怪

歐大

冰蠶不知寒火鼠不知暑

東坡

醉中不以鼻飲夢中

不以趾捉天機之所合不彊而自記也

東坡書李伯時山莊圖後

嘗

食芻豢者難以食菜嘗衣錦者難以衣布為其大者不

屑為其小者此天下之通患也

東坡集

食蘼不知苦

山谷詩

凡人之情於憂樂之事初遇之則其心變焉次遇之則

其心微變三遇之則其心如常矣

元城語錄

誘進

經衡門誘僖公也

詩序

夫子循循然善誘人

互鄉難與

言童子見門人惑子曰與其進也

譬如平地雖履一

簣進吾往也

論語

集單門後進必加善誘

選集序

講評孜孜以磨諸生使皆

誘義忘歸

韓文

開以昏蒙示以階漸甘或可和白或可染

李義

山集

傳記香餌之下必有懸魚重賞之下必有死夫

七略

潤飾

經賁者飾也物相合則須飾以脩外也

易

若作室家既

勤垣墉惟其塗墍茨若作梓材既勤樸斲惟其塗丹雘

書

東里子產潤色之

論語

嫌疑

經男女非有行媒不相知名

禮記互見  
避嫌類

事兩君者不容

荀子

史父子之間人所難言也

前漢車千秋傳

楊忠曰兩姑之間難



為婦

通鑑  
陳紀

施報

經投我以木瓜報之以瓊琚匪報也永以為好也投

我以桃報之以李

無言不讐無德不報

詩

其次務施

報禮尚往來往而不來非禮也來而不往亦非禮也

禮記

子出乎爾者反乎爾者也

愛人者人恒愛之敬人者

人恒敬之

孟子互見  
影響相應

以富貴而下人何人不尊以富貴

而愛人何人不親

家語互入  
影響相應

昔子為禾耕而鹵莽之則

其實亦鹵莽而報予耘而滅裂之則其實亦滅裂而報

予

莊子

有陰德者必有陽報有隱行者必有昭名

淮南子

有

而不施窮無與也

荀子

史富辰曰報者倦矣施者未厭

左傳傳二十四

李陵素與士大

夫絕甘分少能得人之死力

西漢司馬遷傳

蓋寬饒為衛司馬

躬案士卒廬室視其飲食居處有疾病者身自撫循臨

問加致醫藥遇之甚有恩及歲終交代衛卒數千人叩

頭請願復更留一年以報寬饒厚德

西漢本傳

陳蕃出為豫

章太守性方峻不接賓客徵為尚書令送者不出郭門

後漢書

掩人者人亦掩之陵人者人亦陵之

魏王昶傳

傳記豫讓曰范中行衆人遇我我以衆人報之智伯國

士遇我我以國士報之

戰國策

集恨無隋侯珠以酬荆文璧

選廬子諒詩

人微惠重答施何

階

陳子昂

明珠青玉不足報贈子相好無時衰

韓詩

拔人於

死者必捨生而報恩榮人於辱者必居節而雪耻

張說之舉

表人

本朝人情貴往還不報生禍根

東坡

被以卵翼之恩收其

鷹犬之效

蘇子由

付託

經可以託六尺之孤

論語

子有託其妻子於其友而之楚遊者

孟子

史初晉獻公使荀息傅奚齊公疾召之曰以是藐諸孤

辱在大夫息曰臣竭其股肱之力不濟則以死繼之

左傳

九年穆嬴日抱太子以號於朝頓首於宣子曰先君奉此

子也而屬諸子曰此子才也吾受子之賜不才吾唯子

之怨今君雖終言猶在耳

左文七年

子胥使齊託其子於鮑

氏

史記越世家

樓護有故人呂公無子歸護託身護與呂公

妻及呂姬同食護妻子頗厭呂公護聞之流涕責子曰

呂公以窮老付託於我義所當奉遂養呂公終身

漢書互八

高誼

薛宣字贛君為不其丞瑯琊太守趙貢見宣悅其能

還至府舍令妻相見戒曰贛君至丞相我子亦中丞相

史

西漢本傳

丙吉聞史良姊有母貞君及兄恭乃載皇曾孫

以付之

通鑑漢  
宣帝紀

傳燮謂其子曰主簿楊會吾之程嬰

東漢

本傳

初李固既策罷知不免禍乃遣三子基茲燮皆歸鄉

里時燮年十三姊文姬為同郡趙伯英妻見二兄歸具  
知事本默然獨悲曰李氏滅矣密與二兄謀豫藏匿燮  
託言還京師有頃難作州郡收基茲皆死獄中文姬乃  
告父門生王成曰今委君以六尺之孤李氏存滅其在  
君矣成乃將燮乘江東下入徐州界燮姓名為酒家傭  
而成賣卜於市各為異人陰相往來積十餘年

通鑑漢  
桓紀

晉謝琨尚晉陵公主琨死詔公主與謝氏絕婚公主悉以琨家事委琨從子弘微弘微為之經理生業一錢尺布有文簿九年而高祖即位公主降號東鄉君聽還謝

氏之門室宇倉廩不異平日田疇墾闢有加於舊

通鑑  
晉太

祖

太后與劉仁軌書曰昔漢以關中之事委蕭何今託

公亦猶是矣仁軌上疏辭以衰老不堪居守因陳呂后

禍敗之事以規戒太后

通鑑唐  
武后

王敦之舉兵也劉隗勸

帝盡除諸王司空璆呼周顗曰伯仁以百口累卿

晉書  
本傳

嵇康臨刑謂子曰山公在汝不孤

晉書

高孝基見杜如晦

謂曰君必任棟梁以子孫託之

通鑑

李勣疾謂弟弼曰我

見房玄齡杜如晦高季輔皆辛苦立門戶亦望貽後悉

為不肖子敗之我子孫今以付汝可謹察有不厲言行

交非類者急榜殺以聞勿令後人笑吾猶吾笑房杜也

唐書本傳

太宗謂太子曰無忌遂良在國家之事汝無憂矣

唐書勣之功見於黎陽故太宗拳拳以託孤

唐書李勣讚

王勵

蘇味道未知名裴行儉謂之曰僕有弱息願以為託

通鑑



傳記甘茂逢蘇代曰茂之妻子在秦願君以餘光振之

代許諾

春秋後語

晉大夫伯宗妻曰子之性不可易國家危

可立待伯宗乃得畢羊而友之及藥不忌之難三郤害

伯宗簡讚之畢羊乃送州犁於荆遂得免焉

列女傳

集徧告諸友以寄厥子不鄙謂余亦託以死

韓作柳祭文

昌

黎先生以疾免書喻湜曰死能全我躬所以不隨世磨

滅者惟子以為囑

韓愈墓志

憑恃

經表裏山河必無害也

左傳僖十八年

史漢武以汲黯為淮陽太守曰徒得君重卧而治之

漢前

本傳詔裴度節度河東度辭老疾帝曰為朕卧護北門可

也唐書

集惟鄆也截然中居四鄰望之若防之止水恃以無恐

韓文徒得君重剛吾四支

劉賓客

攀附

經薦與女蘿施於松柏

南有樛木葛藟纍之南有

樛木甘瓠纍之

詩

史田蚡以肺附為相

本傳如肺肝之相附着也

攀龍附鳳並乘天衢

西漢序讚

皇甫規自以西州豪傑耻不得與自上書附黨

通鑑

東漢互見好名

女蘿弱不能立必附他木

唐李德裕傳

集蚩蚩終日經營不能越階附驥尾則涉千里攀鴻翮

則翔四海

選四子講德論

託微莖於樛木

潘安仁寡婦賦

遠近乘風一

朝景附

攀日月之末光繼螢爚之微照

陳子昂

兔絲附

蓬麻

杜詩

願連光於咳唾之餘

元微之集

# 依倚

子泄柳申詳無人乎繆公之側則不能安其身孟子

史周之東遷晉鄭焉依左隱六年輔車相倚左傳晉吾宗也豈

害我哉左傳依日月之末光前漢蕭何傳曾孫因依倚廣漢兄

弟及祖母家史氏通鑑漢宣紀攀龍鱗附鳳翼以成其所志

耳東漢光武紀倚以為北道主人東漢彭寵紀如鳥有翼如魚有

水失之則死不可暫無通鑑唐紀

集願為雙飛燕銜泥巢君屋古詩龍無雲雨不能參天衡論

寄松為女蘿依水如浮萍

曹植詩

依水類浮萍寄松如懸

蘿

潘安仁河陽詩

塵附泰山

文選

鼠憑社貴

選思倖傳

自慙青蒿倚長

松

韓詩

一身相倚千里徒涉

劉長卿

一榻偶依陳太守

羅隱集

衆星傳月之光也因其波瀾

不逢高枝引未得凌空

上何處堪托身為君長萬丈

唐文粹

效尤

史先軫曰效尤禍也

尤而效之罪又甚焉

原伯曰

鄭伯效尤其亦將有咎

左莊二十一年

衛公叔文子曰尤人而效

之非禮也

左定六年

傳記秦世之所以亟絕者其轍迹可見也然而不避是

後車又將覆也

賈誼

至周之末世大為無道以失天下秦

繼其後獨不能改又益甚之重禁文學不得挾書棄捐  
禮誼而惡聞之其心欲盡滅先聖之道而專為自恣苟  
簡之治故立為天子十四歲而國破亡矣自古以來未  
嘗有以亂濟亂大敗天下之民如秦者也其遺毒餘烈  
至今未滅使習俗薄惡人民嚚頑抵冒殊扞熟爛如此

之甚者也

董仲舒

朝有變色之言則下有爭鬪之患上有

自專之士則下有不讓之人上有好利之臣則下有盜

竊之民

作俑

經苗民作五虐之刑曰法殺戮無辜爰始淫為劓則極

黥書

庭燎之百由齊桓公始也大夫之奏肆夏由趙文

子始也公廟之設於私家由三桓始也孔子謂為俑

者不仁

禮記

子仲尼曰始作俑者其無後乎 有賤丈夫焉必求龍

斷而登之以左右望而罔市利人皆以為賤故從而征

之征商自此賤丈夫始矣

孟子子

史作法於涼其弊猶貪作法於貪弊將若之何

左昭四互見流

弊

沈約曰開端樹隙

通鑑宋紀

時以浮虛相扇儒雅日替范

甯謂其源始於王弼何晏二人之罪深於桀紂

晉書范甯傳互

入罪有所歸

德宗貞元九年初稅茶歲得四十萬貫從鹽鐵

使張榜所奏茶之有稅自此始

德宗實錄通鑑云州縣產茶及茶出外要路皆



估值十  
茶之有稅自王涯始唐書兩書異  
同今並載之初行稅間架

除陌錢法所謂稅間架者每屋兩架為間上屋稅錢二千中稅千下稅伍百吏執筆握算入人室廬計其數或有宅屋多而無他資者出錢數百緡敢匿一間杖六十賞告者錢伍拾緡所謂除陌錢者公私給與及賣買每緡官留伍十錢給他物及相貿貿一作貸易者約錢為率敢隱錢百杖六十罰錢二千賞告者十緡其賞錢皆出坐

事之家

通鑑唐  
德宗

連累

經鼎折足覆公餗

易

火災崑岡玉石俱焚

延及於平

民

書

若此無罪淪胥以鋪

詩

傷其本枝從而亡

禮記

民之

無辜併其臣僕

詩

雖在縲紲之中非其罪也

論語

子湛濁動乎下清明亂於上

荀子

救鬪者傷蔭不詳之木

為雷電所撲

淮南子

史同類相推俱入禍門

史記趙世家

事連汙條侯

史記條侯周勃世家

令民為什伍而相收司連坐

通鑑周紀

始皇幸梁山宮從山

上見丞相車騎甚盛不喜中人或告丞相後損車騎始

皇怒曰此中人洩吾語案問莫服捕時在旁者盡誅之

秦紀淮南衡山二獄所逮引列侯二千石豪傑等死者數

萬人

漢武紀

王莽誅甄豐辭所連及便收不請

西漢揚雄傳

無

罪而坐率

石奮傳如淳曰率家長也師古曰幼年無罪坐為父兄所率

諸犯令相引

數千人名曰株連

食貨志師古曰言被引牽者為其根株

梁冀所連朝廷

為之一空

後漢

事發相重

劉澤傳重猶累也

牯糠及米

古訛字前漢荆吳傳

黨事起張儉亡命望門投止其所經歷伏重誅者以千

數連引收考布徧天下宗親並皆族滅郡縣為之殘破

夏馥嘆曰一人逃死禍及萬家

通鑑漢靈帝

袁紹誅閭官或

有無鬚而誤死者

後漢何進傳

辭所連染無辜者衆

通鑑漢殤紀

窮治楚王英獄遂至累年其辭語相連自京師親戚諸

侯州郡豪傑及考案吏阿附坐死徙者以千數而繫獄

者尚數千人諸所連及率一切陷入無敢以情恕者御

史韓郎曰考一連十考十連百歸舍雖不言而仰屋竊

歎莫不知其多寃

通鑑漢明帝紀

猶張瑟琴大絃急者小絃絕

後漢陳  
寵傳

石鑒僭位石閔及率趙人誅諸胡羯子時高鼻

多鬚濫死者半

晉載  
記

灼火攻蠹蠹盡木焚

唐書  
者傳

逮捕

黨人其辭所連及大僕潁川杜密御史中丞陳翔及陳

寔范滂之徒二百餘人

通鑑漢  
桓紀

魏杜弼曰楚國亡猿禍

延林木城門失火殃及池魚

通鑑齊紀互  
入事出意表

崔仁師曰古

者父子兄弟罪不相及奈何以亡秦酷法變隆周中典

且誅其父子足累其心此而不顧何愛兄弟

通鑑唐  
太宗

迹

涉嫌疑辭相逮引莫不窮捕考案至有姦人熒惑乘

險相誣糾告疑似睚眦之嫌即稱有密一人被訟百人

滿獄使殺人如麻流血成澤

唐武后

一夫不率闔境罹殃

一境不寧普天致擾

唐德宗

王涯有再從弟沐家於江南

老且貧聞涯為相跨驢詣之欲求一簿尉留長安二歲

餘始得一見涯待之殊落寞久之沐因嬖奴以道所欲

涯許以微官自是朝夕造涯之門以俟命及涯家被收

沐適在第與涯俱腰斬

唐文宗

有書尚書省門為詩以嘲

賊者尚讓怒應在省官及門卒悉抉目倒懸之大索城

中能詩者盡殺之識字者給賤役凡殺三十餘萬

唐懿宗

宦者怨李訓等凡與之有瓜葛親者誅貶不已

通鑑

傳記巨防容嬖而漂邑殺人突泄一燔而焚宮燒積

呂氏

春秋

集剖髮及首翦爪侵膚

應休建書

犧尊青黃乃木之災

韓祭柳子

文厚

援證

經謂予不信有如皦日

詩

予所否者天厭之天厭之

論語

子顧曰為私誓州綽曰有如日

左襄十八

晉荀偃卒而視不

可含范宣子撫之曰主苟終所不嗣事於齊有如河

左襄

十九晉斐豹曰苟焚丹書我殺督戎宣子曰而殺之所不

請於君焚丹書者有如日

襄公二十三年

齊晏子曰嬰所不唯

忠於君利社稷者是與有如上帝

襄公二十五年

蔡侯歸及漢執

玉而沈曰余所有濟漢而南者有若大川

左定三

晉大夫

三拜稽首曰君履后土而戴皇天皇天后土實聞君之

言羣臣敢在下風

左僖十五

縱子忘之山川鬼神其忘諸乎



左定 九 晉卻克曰所不此報無能涉河左宣所不與舅氏

同心者有如白水投其璧於河左襄則不能見夫人已

所能見夫人者有如河左昭三十一 孟孫謂范獻子曰

互入怨恨

陽虎若不能居魯而息肩於晉所不以為中軍司馬者

有如先君左定六 齊子行抽劒曰所不殺子者有如陳宗

宋公曰所難子者上有天下有先君左哀十四 卻克曰不

報齊者河伯視之史記晉祖逖曰祖逖不能清中原而

世家

復濟者有如大江晉愍帝建宋文帝指蔣山曰必無此

興元年

慮若違今誓便是負於寧陵

元嘉十七

賜王衍詔略曰三辰

在上一言不欺

通鑑後唐明宗

大夫文種曰越王謹上刻青天

敢不如命

吳越春秋

集援青松而示心指白水而旌信

劉孝標絕交論

待余異日弟

妹婚姻畢司馬歲秩滿出處行止得以遂則必左手引

妻子右手抱琴書終老於斯以成就我平生之志清泉

白石實聞此言

白居易草堂記

出肺肝相示指白日涕泣

韓文

### 要約

經死生契闊與子成說

詩

久要不忘平生之言

論語

子書契所以識公信也

慎子

史晉藥書中行偃逆周子於京師而立之周子曰二三

子用我今日否亦今日

左成十八

申之以盟誓重之以婚姻

左成十三昭大神要言焉

左襄九年

傳記越人結交約曰卿雖乘車我戴笠後日相逢下車

揖

不稱

經易曰負且乘致寇至負也者小人之事也乘也者君

子之器也小人而乘君子之器盜思奪之矣易維鵠有

巢維鳩居之互見非據彼其之子不稱其服詩

子取猿狙而衣周公之服莊子

史服之不衷身之災也齊慶封來聘其車美叔孫曰

服美不稱必以惡終左傳德不稱祿猶鑿墉之址以益其

高皇甫規傳龜茲來朝樂漢衣服制度歸其國治宮室作徽

道周衛出入傳呼撞鐘鼓如漢家儀外國胡人皆曰驢

非驢馬非馬若龜茲王所謂羸也

西漢龜茲傳

侍中有封侯

賜爵者士君子皆耻與為列焉

通鑑漢靈紀

婢作夫人不堪

位置

絳帖梁武評書

集峨峨進賢冠耿耿水蒼佩服章豈不好不與德相對

顧影聽其聲頰頰汗浹背

韓詩

紫綬裹文身

白侍郎

本朝附鳴鷄以隼翼披羊羔以豹文

類要

冒濫

史衛懿公好鶴鶴有乘軒者

左莊二

漢武時大農經用

耗竭有請置賞官名曰武功爵得至樂卿

案漢書音義曰名樂卿者

朝位從九卿加樂者別正卿又十九爵為樂公食公卿祿

以顯軍功軍功多用超等

大者封侯卿大夫小者郎吏吏道雜而多端則官職耗廢除故鹽鐵家富者為吏吏道益雜不選而多賈人

矣

史記平準書

賦六百餘萬錢乘傳而行郡國

如淳曰此言富者出錢穀

得高爵或乃為使者乘傳車循行郡國以為榮也西漢賈誼傳

西園弄狗著進賢冠帶

印綬

通鑑漢靈紀

更始官爵皆賈豎羣小語曰竈下養中郎

將爛羊胃騎都尉爛羊頭關內侯

後漢

賣關內侯假金印

紫綬傳世入錢五百萬

後漢靈紀

金紫佩士卒之身符策委

僕隸之門非所以重名器正紀綱也

通鑑晉帝紀

緋服衆於

青衣象板多於木笏

通鑑唐武后

晉趙王倫奴卒廝役亦加

爵位每朝會貂蟬盈坐時人語曰貂不足狗尾續

晉書互入非據

北齊蒼頭皆開府封王狗馬及鷹亦有儀同郡君之號

有鬪雞號開府

通鑑陳紀

員外常侍路上比肩諮議參軍市

中無數豈是朝章固應如此

陳世祖

柳澤曰神龍以來賣

官鬻爵妃主之門有同商賈舉選之曹實均闡闡屠販

之人悉由邪而忝官黜斥之人咸因姦而冒進

舊唐書本傳

上以舞胡安叱奴為散騎侍郎李綱曰古樂工不與士

齒惟齊末封曹妙達為王安馬駒為開府有國家者以

為殷鑑先是階無泛加皆以勞考敘進至五品二品

仍奏取進止至是始有泛濫之階比及末年服緋者滿

朝矣

通鑑唐高祖紀

屠沽減獲用錢三十萬則別降封勅除官

斜封付中書時人謂之邪封官

通鑑唐中宗

馬周曰騶子倡

人鳴玉曳履與朝賢君子比肩而立同坐而食

舊唐書本傳



非據

經或錫之鞶帶終朝三褫之象曰以訟受服亦不足敬

也

注以訟受錫榮何可保

易曰負且乘致寇至負也者小人之事也

乘也者君子之器也小人而乘君子之器盜思奪之矣

互入不稱

非所據而據焉身必危

德薄而位尊

包羞位不

當也

易

維鵲有巢維鳩居之

詩互見不稱

子不仁而在高位是播其惡於衆也

孟子

史受爵非道殃必疾

東漢翟醜傳

費充位居人上智居人下

三國志互  
入不稱

趙王倫篡位奴卒廝役亦加爵位每朝會貂

蟬盈坐時人為之語曰貂不足狗尾續

本傳互  
入冒濫


集牧守由將校以授皆虎而冠子男由胥徒以出皆鶴

而軒

劉賓客

蚤虱名器鼠雀倉廩

陸魯望文



記纂淵海卷七十三